

Åsebø 04.10.2022

Søknad om å få tilkøyrd overskotsmassar av jord til bruk 346/4 på Åsebø, Alver kommune.

All jord her på bruket er dyrka for lenge sidan. Stort sett dyrka frå rundt forrige århundreskifte og fram mot tidleg 60-talet. Det er steingrøfter, men ikkje for mange. Jordsiget har gradvis endra bø og bakkar, og det er på tide å gjera noko med det. Mange plassar kjem det steinknausar opp av jorda, altfor mange til at eg kan byrja å sprenga desse vekk. Det lagar seg søkk i markområda, og det er grundt og ulendt når ein skal grøfta.

Eg byrja arbeidet med å køyra til noko tilsidelagt jord i fjor vinter, og sådde mange mål ny eng, både hjå meg sjølv og på nabobruket. Det ga veldig positivt resultat, men eg ser bakkane er for ujamne, det trengs meir planeringsarbeid. Det er t.d. ganske krevjande med forhaustar. Bakkeforhalda er slik no at eg lurar på kor lenge eg kan nytta ein del av områda eg har sjølv til vanleg hausting. Det er allerie eit område som tidlegare var slåtteareal, som no kun vert nytta til beite. Eg er redd det er konsekvensen med nokre teigar til.

For å bevare slåttearealet ser eg som einaste moglegheita å få tilkøyrd jord om jorda er av rett kvalitet.

I arbeidet med ny veg mellom Fløksand og Rossland ser det ut til å skje noko. Eg kjenner ikkje til kven som vert entrepenør i prosjektet, anbudsrunnen er truleg ikkje kome i gang slik eg har forstått. Eg har eit håp om at det kan opna seg ein moglegheit for å få tilkøyrd jord frå dette prosjektet. Om det ikkje let seg gjera, ynsker eg det med seinare høve der det kan liggja til rette for det.

Håpar dette let seg gjera. Eg ynskjer kun jordmassar av liknande kvalitet av det me har her, eg kjenner til at det er restriksjonar som fylgjer med jordflytting.

Jordmassar som ikkje har vore brukt tidlegare, reine og urørte, eller tidlegare jordbruksjord som må flyttast er det eg ynskjer.

Håpar på positivt svar, tek gjerne ein prat om det:)

Mvh

Gaute Åsebø, 95873708